

影印
四庫全書

四庫全書

影印

文淵閣四庫全書

第三一二冊

北京出版集團公司
北京出版社

本冊目次

通鑑地理通釋

宋 王應麟撰……………一

通鑑釋文辯誤

元 胡三省撰……………二一七

通鑑胡注舉正

清 陳景雲撰……………三八一

稽古錄

宋 司馬光撰……………三九一

資治通鑑外紀

宋 劉恕撰……………五二七

資治通鑑外紀目錄

欽定四庫全書

史部
通鑑地理通釋卷二

詳校官修撰臣錢 榮

洗馬臣王坦修覆勘

總校官庶吉士臣何思鈞

校對官中書臣朱 圻

謄錄監生臣伍士鵬

欽定四庫全書

史部二

通鑑地理通釋目錄

編年類

卷一

歷代州域總叙

卷二

歷代州域總叙

卷三

歷代州域總叙

欽定四庫全書

通鑑地理通釋

卷四

歷代都邑攷

卷五

十道山川攷

卷六

周形執攷

卷七

名臣議論攷

卷八

七國形勢攷

卷九

七國形勢攷

卷十

七國形勢攷

卷十一

三國形勢攷

欽定四庫全書

通鑑地理通釋
目錄

二

卷十二

三國形勢攷

卷十三

晉宋齊梁陳形勢攷

河南四鎮攷

卷十四

東西魏周齊相攻地名攷

唐三州七關十一州攷

石晉十六州攷

臣等謹案通鑑地理通釋十四卷宋王應麟撰應麟字伯厚慶元府人淳祐元年進士實祐中復中博學宏辭科官至禮部尚書兼給事中事蹟具宋史儒林傳所著詩攷詩地理攷困學記聞諸書均已別著於錄是書以通鑑所載地名異同沿革最為糾紛而險要院塞所在其措置得失亦足為有國者成敗之

欽定四庫全書

通鑑地理通釋
目錄

鑒因各為條列釐訂成編首歷代州域次歷代都邑次十道山川次歷代形勢而終以唐河湟十一州石晉燕雲十六州書本十四卷宋史本傳作十六卷疑傳刻之訛也其中徵引浩博考核明確而叙列朝分據戰攻尤一一得其要領於史學最為有功原書無序後人以書後應麟自跋移冠於前所云上章執徐橘壯之月乃元世祖至元十六年庚辰之

八月是時宋亡已三年蓋用陶潛但書甲子之義書內稱梓慎為梓謹亦猶為宋諱云乾隆四十三年六月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

通鑑地理通釋

通鑑地理通釋自序

太極肇分天先成而地後定天依形地附氣地囿于天者也而言地理者難於言天何為其難也日月星辰之度終古而不易郡國山川之名屢變而無窮是故圖以經之書以緯之仰觀俯察其用一也虞書九共先儒以為九丘其篇軼焉傳于今者禹貢職方而止耳若山海經周書王會爾雅之釋地管氏之地員呂覽之有始鴻烈之陸形亦好古愛奇者所不廢然諸儒之傳注異歷代之區寓殊禹之九河班志僅得其三商之八遷孔疏未聞其四漢水東西之分積石大小之辨荆山之於荆豫梁岐之於冀雍潛荊者未見蔡在圻內者未詳三江九江五邦三亳則書之說異焉還之為營稱之為坻以著為齊地以韓城為涿郡自土之為自杜倭遲之為郁夷鄒虞之為梁鄒二南之為南郡南陽則詩之說異焉揚紆在冀而爾雅以為秦盧水在濟北而康成讀為雷潭水之為潞吳山之為嶽五湖混於具區潁湛列於

欽定四庫全書

通鑑地理通釋

荆浸此職方之疑也豫章在江南而江北之地未知中
牟在河南而河北之地難攷許田魯地而非近許鄆鄭
邑而非鄆陵穀小穀之有別父城城父之不同此春秋
之疑也二地而一名者若王城葵丘酒泉貝丘鍾離之
類一地而二名者若白羽夾谷夷垂葭發陽之類方城
細柳丹水之有三塗山厯山東陽武城之有四膽彼洛
矣與東都之洛異導洛自熊耳與宜陽之熊耳殊首陽
空桐新城石門石城丹陽白沙硤石之屬其地非一畢

欽定四庫全書

通鑑地理通釋
自序

二

萬之魏為河中之永樂而以元城為大名失矣自廬振
廬為襄陽之中廬而以合肥為廬國失矣潘岳賦西征
不知成師之曲沃在河東韓皋論廣陵散不知魏之揚
州治壽春韓文公南陽人在河內之修武而誤曰鄧州
史記鄆闕在漢中之長利而誤曰洵陽杜子美詩三奇
成在彭州之導江而誤改曰三城荀卿蘭陵非常州也
孔明渡瀘非瀘州也公琰屯涪非涪州也公瑾赤壁非
黃也元規南樓非鄂也鄆都白雪誤於鄆州東海二疎

誤於海州以塗山為會稽以蠶桑為采桑以大別為安
豐以東陵為廬江以楚丘為成武以街亭為南鄭襲訛
踵繆不可殫紀漢沔一也而或二之吳會二也而或一
之江統誤鄆於沛郡皇甫謐誤商丘於濮陽顏師古誤
邛都於邛州青衣於嘉州南陵於宣州注文選不知夷
庚注本草不知沙苑博見疆志者猶或失之舊蹟湮沒
如濟絕于滎碣石淪于海昆明鑿而鎬京為池隋城立
而漢都為苑南北僞置如青有太原豫有廣陵六合之

欽定四庫全書

通鑑地理通釋
自序

三

為秦郡項城之為秣陵玉門之為會稽潯陽在蘄而移
柴桑當塗在潯而寓姑孰郡名非古如雲之雲中平之
北平薊之漁陽縣名非古如京兆之武功豐州之九原
皆非秦漢之舊或若異而同或似是而非不可謂博識
為玩物而不之攷也余閒居觀通鑑將箋釋其地名舉
綱提要首以州域次以都邑推表山川叅以樂毅王朴
之崇論鉉議稽左氏國語史記戰國策通典所叙歷代
形勢以為興替成敗之鑒大易設險守國春秋書下陽

彭城虎牢之義也河湟復而唐衰燕代割而遼蠲述其事終焉若昔對白題羊腸帝丘內黃問松亭柳河者以該洽見稱今宜無其人乎孤陋寡聞未免闕誤以俟博雅君子山河不改陵谷屢遷亦以發摭古之一慨云上章執徐歲橘壯之月應麟自序

欽定四庫全書

通鑑地理通釋卷一

宋 王應麟 撰

歷代州域總叙上

神農九州

春秋命歷序云人皇氏分九州神農始立地形甄度四海東西九十萬里南北八十一萬里周禮疏云自神農已上有大九州柱州迎州神州之等至黃帝以來德不及遠惟於神州之內分為九州騶衍云中國名曰赤縣神州赤縣神州內自有九州禹之序九州是也中國外如赤縣神州者九乃所謂九州也有裨海環之一區中為一州如此者九有大瀛海環其外淮南陸形訓云天地之間九州東南神州曰農土正南次州曰沃土西南戎州曰滔土正西兪州曰并土正中冀州曰中土西北台州曰肥土正北濟州曰成土東北薄州曰隱土正東陽州曰申土帝王世紀云諸子稱神農王天下地東西九十萬里南北八十五萬里愚謂河圖言崑崙者地之

中釋氏言日月照四大洲即騶衍之說此莊子所謂存而不論者也

黃帝九州

禹貢釋文周公職錄云黃帝受命風后受圖割地布九州漢地理志云黃帝旁行天下方制萬里畫壘分州得百里之國萬區晉地理志云黃帝令豎亥步自東極至于西極五億十萬九千八百八步帝王世紀云黃帝推分星次以定律度自斗十一度至婺女七度曰星紀之

欽定四庫全書

通鑑地理通釋

二

次今吳越分野自婺女八度至危十六度曰玄枵之次今齊分野自危十七度至奎四度曰豕韋之次今衛分野自奎五度至胃六度曰降婁之次今魯分野自胃七度至畢十一度曰大梁之次今趙分野自畢十二度至東井十五度曰實沈之次今晉魏分野自井十六度至柳八度曰鶉首之次今秦分野自柳九度至張十七度曰鶉火之次今周分野自張十八度至軫十一度曰鶉尾之次今楚分野自軫十二度至氐四度曰壽星之次

今韓分野自氐五度至尾九度曰大火之次今宋分野自尾十度至斗十度百三十五分而終曰析木之次今燕分野凡天有十二次日月之所躔也地有十二分王侯之所國也愚謂通典云國之分野上配天象始於周季世紀所云蓋以星官之書自黃帝始也

顓帝九州

冀兗青徐揚荆豫梁雍帝王世紀云顓帝所建帝嚳受之孔子稱其地北至幽陵南暨交趾西蹈流沙東極蟠

欽定四庫全書

通鑑地理通釋

三

木是以建萬國而制九州通典亦謂顓帝置九州葉氏云祭法共工氏之霸九州也其子曰后土能平九州則九州之名舊矣

幽陵幽州交趾交州流沙在沙州西蟠木東海度索山上有屈盤桃木

舜十二州

冀兗青徐揚荆豫梁雍幽并營孔氏云禹治水之後舜分冀為幽并分青為營馬氏云禹平水土置九州舜以冀州之北廣大分置并州燕齊遼遠分燕為幽齊為營漢地理志云堯遭洪水天下分絕為十二州禹平水土

更制九州列五服與孔馬之說異愚謂舜典言肇十有二州咨十有二牧而後命禹平水土當以漢志為正鄭氏謂分衛為并燕以北為幽分齊為營朱氏謂分冀東恒山之地為并又東北醫無閭之地為幽又青之東北遼東等處為營而冀止有河內之地今河東一路是也劉氏云冀州之域大於九州於是分為幽并以此二州北扞夷狄使不得接於王畿書大傳虞夏傳云北十有二州注北域也為營域以祭十二州之分星也

欽定四庫全書

通鑑地理通釋

四

五服

甸侯綏要荒葉氏云禹制五服每服率五百里而王畿甸服在其內則一方為二千五百里東西南北相距各五千里此所謂弼成五服至于五千者也至周而益為九畿每畿亦五百里而王畿又不在內則一方為五千里南北東西各萬里周之地果如是廣乎學者求其說而不得故鄭氏以堯舊服五千里至禹治水之後又增其倍謂禹貢所記為舊服所增之數以與周制合又謂

周公攝政斥大九州之境故五等諸侯之封大者增其五之四小者增其十之五此皆矯妄不經無所取信以周官大司馬九畿之籍考之方千里曰國畿其外亦皆以方言方者謂四方也四方環之為千里徑數之每方當止為二百五十里則周之畿為倫於禹矣林氏云以王制考之堯都冀州自恒山至南河千里自東河至西河千里此畿內千里即甸服也自東河至東海千里自西河至流沙千里此千里建五百里侯服五百里綏服而東海流沙之外則為要荒誠合經之所載至於南北則有盈縮焉以北考之冀之北距恒山已接於邊陲其間何以容二千五百里之侯綏要荒哉以南考之自南河至江千里已建侯服綏服矣自江至衡山千里則要荒二服又在九州之內矣然自衡山至南海又千里揚州之境且南距海則九州且已乎要荒之外是以南考之則太盈以北考之則太縮實疑而未知其說意其必有乘除相補於其間也應氏云自秦而上西北袤而東

欽定四庫全書

通鑑地理通釋

五

南蹙自秦而下東南展而西北縮古今之疆理天地之大運中國夷狄之消長大略可見當先王盛時東西南北各有不盡之地蓋聽四夷居之不勞中國以事外也若禹貢之東漸西被而朔南咸暨特其聲教之所及非必貢賦之所限也故外薄四海弼成五服至于五千者此區域之大數而疆理之畧者也四海之內斷長補短方三千里者此民田之大數而疆理之詳者也觀於曰內曰外二字而治之詳略可知矣王氏曰舜之五服候

禹九州

冀兗青徐揚荆豫梁雍通典云雍州西境流沙之西荆州南境五嶺之南所置郡縣並非九州封域之內帝王世紀云堯遭洪水分為十二州今虞書是也及禹平水土還為九州今禹貢是也是以其時九州之地凡二千

四百三十萬八千二十四頃定墾者九百一十萬八千二十四頃不墾者千五百萬二千頃民口千三百五十萬三千九百二十三人至於塗山之會諸侯承唐虞之盛執玉帛亦有萬國是以山海經稱禹使大章步自東極至于西垂二億三萬三千五百里七十一步又使豎亥步南極盡於北垂二億三萬三千五百里七十五步四海之內則東西二萬八千里南北二萬六千里出水者八千里受水者八千里名山五千三百五十經六

萬四千五百六十六里出銅之山四百六十七出鐵之山三千六百九以供財用蘇氏云堯水河為患最甚江次之淮次之河行冀兗為多而青徐其下流被害亦甚堯都於冀故禹行自冀始次于兗次于青次于徐四州治而河患衰矣雍豫雖近河以下流既治可以少緩也故次于揚次于荆以治江淮江淮治而水患平故次于豫次于梁次于雍以治江河上流之餘患而雍最高故終焉朱氏云冀州極濶河東河北皆屬焉雍州亦濶陝西五

路皆屬焉若青兗徐豫則疆界有不足者矣鄭氏云州縣之設有時而更山川之形千古不易所以禹貢分州必以山川定經界使兗州可移而濟河之兗不能移使梁州可遷而華陽黑水之梁不能遷是故禹貢為萬世不易之書

薛氏云至夏復為禹貢之九州

萬國

鄭氏云州十有二師每一師領百國每州十二百國畿外八州總九千六百國其餘四百國在畿內唐虞土方

欽定四庫全書

通鑑地理通釋

卷一

萬里九州之內地方七千里劉氏云一州十二師以商周之制推之則連率卒正之類也以五長稽之則五國有長而十長有師乎十長之師凡五十國一州十二師則六百國也州六百國計十二州則七千二百國也十二州之外薄于四海又有五長是以禹會諸侯於塗山執玉帛者萬國也葉氏云所謂萬國者槩其成數未必實有之也

呂氏春秋王者之封建也彌近彌大彌遠彌小海上有十里之諸侯以大使小以重使輕

以衆使寡漢上朱氏曰建萬國者衆建諸侯而少其力

商九有

爾雅九州兩河間曰冀河南曰豫河西曰雍漢南曰荆江南曰揚濟河間曰兗濟東曰徐燕曰幽齊曰營孫炎云此蓋殷制孔氏云禹貢有梁青無幽營周禮有幽并無徐營孫炎以爾雅之文與禹貢不同於周禮又異故疑為殷制耳亦無明文言殷改夏也地理志云殷因於夏無所變改陸氏曰禹貢有青徐梁而無并幽營爾雅有徐幽營而無青梁并職方有青幽并而無徐梁營三代不同故也陳氏云商書言九有之師商頌言奄有九有式于九圍王制於商亦言九州千七百七十三國則商之九州蓋亦襲夏而已通典云塗山之會萬國四百年間遞相兼并殷湯受命其能存者三千餘國亦為九州

欽定四庫全書

通鑑地理通釋

卷一

冀州在兩河之間西則龍門之河東則濟水大陸之州河濟水大陸今冀貝二州界論語三分天下有其二注天下歸文王者六州荆梁雍豫徐揚也惟兗青冀尚屬紂

周九州

揚荆豫青兗雍幽冀并鄭氏注揚荆豫兗雍冀與禹貢

畧同青州則徐州地也幽并則青冀之北也無徐梁晉

地理志云成王時改作禹貢徐梁入於青雍冀野析於

幽并王氏云九州之序禹貢始於冀次以兗而終於雍

職方氏則始於揚次以荆而終於并者蓋禹貢言治水

之序也職方言遠近之序也治水則自帝都而始然後

順水性所便自下而上故由兗至雍而止也以遠近言

之則周之化自北而南為遠故關雎鵲巢之詩分為二

南漢廣亦言文王之道被於南國德化之所及以遠為

欽定四庫全書

通鑑地理通釋

十

至也始於揚則以揚在東南次以荆則以荆在正南終

於并州以并在正北先遠而後近也左傳王使詹桓伯

辭於晉曰我自夏以后稷魏駘芮岐畢吾西土也及武

王克商蒲姑商奄吾東土也巴濮楚鄧吾南土也肅慎

燕亳吾北土也漢賈捐之曰武丁成王殷周之大仁也

然地東不過江黃西不過氐羌南不過蠻荆北不過朔

方鄭氏錡曰周無徐州蓋其地為淮夷徐奄所有李氏曰周却雍不可不廣故合梁雍為一徐地狹隘故青

之

九畿 九服 六服 五服

大司馬九畿方千里曰國畿其外侯甸男采衛蠻夷鎮

蕃職方氏九服方千里曰王畿其外侯甸男采衛蠻夷

鎮藩大行人邦畿方千里其外侯甸男采衛蠻夷九州

之外謂之蕃國周官六服羣辟罔不承德六年五服一

朝周語祭公謀父曰先王之制邦內甸服邦外侯服侯

衛賓服蠻夷要服戎翟荒服甸服者祭侯服者祀賓服

者享要服者貢荒服者王日祭月祀時享歲貢終王先

欽定四庫全書

通鑑地理通釋

十一

王之訓也葉氏曰禹別九州制天下為五服王畿在其

內周公分天下為九畿而王畿不與以侯甸男采衛之

在中國者為五服言罔不承德則舉六服合王畿言也

言六年一朝則舉五服別諸侯言也鄭氏以殷之大界

方三千里以開方計之方千里者九其一為縣內餘八

各立一州合內外總為千七百七十三國周公復唐虞

之地分五服為九其要服之內方七千里意以夏末既

衰中國之地為四夷所侵至周方能復之今考於禹貢

所謂五服皆五百里為別則是要服之內通於四面距中國之地乃方三千里達於荒服止於五千里康成既以殷之大界方三千里矣固合於禹貢中國之地而謂四夷所侵者果何地也周公雖斥大九州之界而地加於禹貢者纔五百里今職方氏分九州之邦國方千里為王畿自侯甸男至于采衛皆方五百里是五服之地方二千五百里合王畿計之方三千五百里由三千五百里分之合四面相距方七千里迺康成所謂要荒之內也蓋禹貢所謂要荒即周官所謂蠻夷鎮蕃通要荒而合於禹貢中國之地則唐虞夏殷之時中外凡方一萬里通蠻夷鎮蕃而合於周官則周公之時中外凡萬一千里以其一千里之多是以周公斥大封疆纔五百里康成不知異同在此而唯見要服之內方七千里乃牽左氏執玉帛者萬國之說而謂唐虞之時非七千里不能容之且仲虺之誥言表正萬邦纘禹舊服則是湯之時固有萬國矣所謂大界三千里者何以能容之也

然則九州之內千七百七十三國未必殷制王氏曰畿言其有界畫服言其服王事六年五服一朝者以侯甸男邦采衛言也六服羣辟罔不承德者兼要服而言之也先王之制中國五服而周官言六者蓋近中國之夷狄承德則國家閒暇可以明政刑之時也方是時也四征弗庭其治未若制禮之際為已備矣故其限朝止於五服而已周官行人於六服之見則及於要服者則其治為尤詳於四征弗庭之時也近中國之夷狄非特承德而又能入貢以來見焉則制禮以致太平者此其極也鄭氏曰要服蠻服也九州之外夷鎮蕃服也陳氏曰外聖人雖制之服而不必其來故武成洛誥康王之誥止言五服易氏曰禹之五服則計其一面之數周之九服則計其兩面之數禹之甸服千里而止言五百里是計其一面者也周之王畿與禹之甸服同不言五百里而兼言千里是計其兩面之相距者也蓋禹之五服王畿在內王畿千里而兩面各五百里數其一面故曰五百里甸服自甸服至荒服皆數

其一面每面各五百里總為二千五百里兩面相距則凡五千里職方氏所載則王畿不在九服之內自方五百里之侯服至於方五百里之蕃服其名凡九九服每面各二百五十里通為二千二百五十里兩面相距則通為四千五百里并王畿千里則通為五千五百里其增於禹者五百里之蕃服耳然周之蕃服雖不列於禹貢九州之外而禹貢九州之外咸建五長東漸西被即成周蕃服之域是周之蕃服其名雖增於禹而其地未

欽定四庫全書

通鑑地理通釋

古

嘗增也周之邦畿即禹貢之甸服周之侯甸即禹貢之侯服周之男采即禹貢之綏服周之衛蠻即禹貢之要服周之夷鎮即禹貢之荒服呂氏曰在商之時古公以皮幣犬馬珠玉事獯鬻而商王不知在周之時晉國拜戎不暇而周室不與然則三代禦邊之略蓋可知矣

千八百國

洛誥傳云天下諸侯采服來受命於周者千七百七十
三諸侯晉地理志云武王設爵惟五分土惟三封同姓
五十餘國周公康叔建於魯衛各數百里太公封於齊

表東海者也凡一千八百國布列於五千里內而太昊
黃帝之後唐虞侯伯猶存于時治致太平政稱刑措民
口千三百七十一萬四千九百三十三蓋周之盛也其
衰也則禮樂征伐出自諸侯強吞弱而衆暴寡春秋之
初尚有千二百國迄獲麟之末二百四十二年弒君三
十六亡國五十二諸侯奔走不得保其社稷者不可勝
數而見於春秋經傳者百有七十國焉百三十九知其
所居魯鄭鄭宋紀術西號皆齊陳杞蔡邢鄭晉薛許鄭
秦曹楚隨黃梁虞鄭小邾徐燕邾郕舒庸邾萊英

欽定四庫全書

通鑑地理通釋

古

越有窮三苗瓜州有虞東號共宿申夷向南燕滕凡戴
息邾芮魏淳于穀巴州蔡羅賴牟葛譚蒯遂滑濮邾
耿江翼強道相微郕屬項密任須句邾史頓管肅畢豐
邾應蔣茅胙婁介焦沈六巢根牟唐黎郕瑕塞有鬲斟
灌斟尋過有過戈偃陽郕鄆郕郕郕郕郕郕郕郕
胡黎大庭胎岐邾鍾吾蒲姑昆吾房密須甲父邾桐毫
韓三十一國盡亡其處蔡極荀賈貳軫絞於餘丘陽其
英氏毛聘莘偃封父仍有仍崇
鄭庸姚奄商奄衰如落有緡閭單耽陵夷窮桑蠻夷戎狄不在其間五伯迭興
總其盟會陵夷至于戰國遂有七王韓魏趙燕
齊秦楚又有宋
衛中山不斷如綫今按大庭神農也窮桑少皞也又以
虞夏商諸侯並列有仍斟尋之類 指掌圖發微國見
於經傳者一百二十四國夷狄不在

其戰國策顏禍云古大禹之時諸侯萬國及湯之時諸

侯三千當今之世南面稱寡者乃二十四帝王世紀云

周克商制五等之封凡千七百七十三國戰國存者十

餘周之列國唯有燕衛秦楚而已齊及三晉皆以篡亂

南面稱王衛雖得存不絕若綫呂氏云天下之戰國七

秦變於戎者也楚變於蠻者也燕變於狄者也魏趙韓

齊皆大夫竊國者也周禮疏曰畿外八州州別置二百

一十國天子縣內九十三國凡九州千七百七十三國

欽定四庫全書

通鑑地理通釋

十六

通畿內外是殷周國數也

鄭語史伯曰當成周者南有荆蠻中呂應鄧陳蔡隨唐北

有衛燕翟鮮虞路洛泉徐蒲西有虞虢晉隗霍楊魏芮東有齊魯曹宋滕薛鄒莒史記諸侯表武王成康所

封數百而同姓五十五地上不過百里下三十里錢氏春秋與地攷一百八十有四國夷狄亦與攷其國都

則中國之缺者十六夷狄之缺者十一

星土

鄭司農說星土以春秋傳曰參為晉星商主大火國語

曰歲之所在則我有周之分野之屬是也康成謂九州

諸國中封域於星亦有分焉其書亡矣堪輿雖有郡國

所入度非古數也今其存可言者十二次之分也星紀

吳越也玄枵齊也姬訾衛也降婁魯也大梁趙也實沈

晉也鶉首秦也鶉火周也鶉尾楚也壽星鄭也大火星

也析木燕也此分野之妖祥主用客星彗孛之氣為象

孔氏曰星紀在於東北吳越實在東南魯衛東方諸侯

還屬戌亥之次又三家分晉方始有趙而韓魏無分趙

獨有之漢書地理志分郡國以配諸次其地分或多或

少鶉首極多鶉火甚狹徒以相傳為說其源不可得聞

欽定四庫全書

通鑑地理通釋

十七

於其分野或有妖祥而為占者多得其效蓋古之聖哲

有以度知非後人所能測也陳氏曰九州十二域或繫

之北斗或繫之二十八宿或繫之五星雍正主魁箕主樞

青兗主機揚徐主權荆主衡梁主開陽豫主搖光此繫

之北斗者也星紀吳越玄枵齊姬訾衛降婁魯大梁趙

實沈晉鶉首秦鶉火周鶉尾楚壽星鄭大火宋析木燕

此繫之二十八宿者也歲星主齊吳熒惑主楚越鎮星

主王子太白主大臣辰星主燕趙代此繫之五星者也

然吳越南而星紀在丑齊東而玄枵在子魯東而降婁
在戌東西南北相反而相屬何耶先儒以謂古者受封
之月歲星所在之辰其國屬焉觀春秋傳凡言占相之
術以歲之所在為福歲之所衝為災故師曠梓慎裨竈
之徒以天道在西北而晉不害歲在越而吳不利歲淫
玄枵而宋鄭饑歲弃星紀而周楚惡歲在豕韋而蔡禍
歲及大梁而楚凶則古之言星次者未嘗不視歲之所
在也梓慎曰龍宋鄭之星也宋大辰之虛也陳大睥之

虛也鄭祝融之虛也皆火房也衛高陽之虛也其星為
大水以陳為火則大睥之木為火母故也以衛為水則
高陽水行故也子產曰遷閼伯於商丘主辰商人是因
故辰為商星遷實沈于大夏主參唐人是因故參為晉
星然則十二域之所主亦若此也易氏曰在諸侯則謂
之分星在九州則謂之星土九州星土之書亡矣今其
可言者十二國之分考之傳記裁祥所應亦有可證而
不誣者昭十年有星出於婺女鄭裨竈曰今茲歲在顓

頊之墟姜氏任氏實守其地釋者以顓頊之墟為玄枵
此玄枵為齊之分星而青州之星土也昭三十二年吳
伐越晉史墨曰越得歲而吳伐之必受其凶釋者以為
歲在星紀此星紀為越之分星而揚州之星土也昭元
年鄭子產曰成王滅唐而封大叔焉故參為晉星實沈
為參神此實沈為晉之分星而并州之星土也襄九年
晉士弱曰陶唐氏之火正閼伯居商丘相土因之故商
主大火此大火為宋之分星而豫州之星土也昭十七

年星字及漢申頊曰漢水祥也衛顓頊之墟故為帝丘
其星為大水此姬訾為衛之分星而冀州之星土也襄
二十八年春無冰梓慎曰歲在星紀而淫于玄枵蛇乘
龍龍宋鄭之星此壽星為鄭之分星而亦豫州之星土
也鄭語周史曰楚重黎之後也黎為高辛氏火正此鶉
尾為楚之分星而荊州之星土也爾雅曰析木謂之津
釋者謂天漢之津梁為燕此析木為燕之分星而幽州
之星土也以至周之鶉火秦之鶉首趙之大梁魯之降